

清
容
居
士
集

六

蘇平知
如學

PDG

清容居士集卷第十五

開平第一集

甲寅

延祐改元五月三日分院十五日
始達開平得詩數篇錄示兒曹

居庸關

太行領羣山萬馬高下拜平巒轉城隍隱
隱南北界危坡互交牙寒溜漉泮泮陰風
玄虬湧巨石忽崩壞周遭青松根下有古
木砮石皮散青銅云是舊戰鎧天險不足
憑歷劫有成敗驅車上林杪出日浴光恠

蕭蕭空巖秋天風迅行邁

雨中度南口

山寒絕禽鳥獨聞子規啼石壁飛雨驟衆
木搖淒淒瘦馬蹴亂石高下齧其蹄陟巘
沮洳深漸覺所歷低暝色起亭午土屋流
寒泥須臾過雷聲倏忽生晴電水清亦可
渡戒僕踰前溪

重午日宿南口小店

寒雨鳴石峽蕭蕭五月秋道逢采藥人不
識葵與榴氣清諧令節暑溽想南州涼颼

木末來動色思重裘猶持一卮酒慰彼湘
纍愁

桑乾嶺

漠漠清都近天梯爾許長青帘矗山影烏
帽拂雲先行客穿珠曲居人綴蜜房端窮
萬里目那惜九迴腸

渡懷來沙磧

沙清圓石瘦千里聞風聲驅此齏齏車索
索莎鷄鳴遠山列翠席近坡環碧城高下
各有險轍迹那由平驚免導我前歷錄為

之驚天低雲搖蕩土曠塵縱橫謬膺翰墨
選遠行有期程迴頭望南坂初月隨風生

草地

帶水殘沙似暗潮平坡軟草綠迢迢不須
迴首更南望下馬同兒摘地椒

龍門

瀚海雙龍鐵鱗甲捲壑拏雲躡巖闕千泉
百道湊東南急雨翻空迸晴雪古言神禹
功寡多導山鑿石疏九河幽都之地不復
顧迺使雙龍下地成盤渦陰風何颼颼磅

礪太古秋崩崖落車礪恠木森戈矛碎沙
晴日鋪金赭云是昔日當關挽勁之僕姑
寒泉組練結九曲亭午赫日光模糊車聲
何麟麟昨宵急水迷無津垂堂之言猶在
耳游子商人行不已子規徹天呼我歸翠
華北幸那得避龍門之石高不磨泐筆書
我龍門歌

彈琴峽

在居庸

寒泉飛玉峽誰彈使成聲下有戰士骨鳴
咽水中鳴絲石本異調摩戛生虧成鑿跡

匪神禹佳兵構秦嬴駐馬為聽之逝者何
不平虛牝納新雨急促濁復清重華初省
方百神靜相迎為作薰風弦散彼巖下情

雲州

天闊雲中郡剛風起沈寥氈房聯澗曲土
屋覆山榭撞布朝朝市通薪戶戶燒遙看
塵起處深羨霍嫫姚

次韻虞伯生題祝丹陽道士摹九
歌圖

玉眸精佇朝玉皇五采萬物迎初陽神鈞

空洞光茫茫瑶席合奏樂未央沉幾經綸
白為章膚寸帝青下填阬朝挾朱鳥招八
方旋轉風輪盪金剛君山之峰隄可望玉
女鼓瑟哀不傷世職玄籍元運昌靈壽給
扶顏色蒼賜齡金篋難度量仲氏之道誰
為長深根抱一真有常下憫濁世生復亡
浴精昧谷暎扶桑寒陽昭德森九芒亘劫
永寶天地光安流舒舒復湯湯儼思白璧
謝汝將歷險有戒毋垂堂乘貍從豹何陸
梁菰蒲粃粒弦管張積變不化游益荒屈

子調苦心忠良歌罷雲遏投靈湘簫巫鼓
胥紛莫詳嚴嚴祝冊遺鉛黃握管用九神
歸藏出入森衛視錦囊

伏日書懷二首

伏日急雨來端坐被重裘中天異寒暑茲
維帝王州碧草記初夏堅冰在餘溝野曠
無留禽積潦不復收飛雲屢晴陰蒼莽天
宇秋營營壁間蠅就暖旬日謀玄冥自成
歲高下各有求悵彼南飛鴈素心愧難酬
晨起萬竈烟墨雲何輪困念昔種松者用

志良苦辛寒沙草漫漫萬騎來無津樹之
侶雲柵積雪迷秋春大車棟復楹小車櫓
與薪空餘千歲脂成此官路塵我衣素脩
絜輒汙不敢嗔俛焉拾餘煤作書記其曰
題李士弘學士畫明復齋風竹
虛聲出素壁泠泠天地秋矧此三伏涼居
然索重裘盪摩神光旋戛擊玄露浮浩蕩
白玉京頃刻瀟湘洲昂昂負嶠僊筆底寒
飈飈高齋嚴道氣深根澹無求

慈雲堂

周南翁祖母

萬竹鳳岡下，虛堂聳翠微。
隔林聽迤嘯，前嶺望孤飛。
山立斑斕服，牛眠錦繡圍。
諸孫有遺範，致樂報春暉。

南翁近築致樂堂奉母

送濯伯玉之官雲南

蕩蕩哀牢國，耕桑獲不毛。
皮船乘驛穩，銅鼓報衙高。
事簡歸王化，民淳汰吏曹。
端知清淨理，山水縱遊遨。

次韻玉堂畫壁

至人悟窮達，歛迹寓龍畝。
良苗貴深耘，土戒蒿莠囂。
新陽浮高下，接紫宙跨犢。

東南行問事一俛首新雨瀉溝塍交流媚
川后輟耕非素心帝命資左右相彼前山
雲倏速復還岫卷舒樂槃澗署壁寫其舊
清秋暎空谷風雨百神守夙昔經濟姿志
不在杯酒要使風俗淳斯民樂仁壽耕秋谷雲
明月入水底摩盪空江雪昂昂垂綸翁在
雪不在月悟彼玄化理不寐坐明發我舟
非無漿我車詎無軌迂儒守繩樞世胄貫
華閥顙以千尺竿裁為濟川筏寒江釣雪

再次韻

粵商有阿衡肥遯樂畎畝深畊力其勤嘉
穀寧有莠時來起丘園勲業冠宇宙持此
金石心黽勉佐元首維敬在一德維訓守
先后高風邈難追白雲在前岫堂堂匡濟
功匪以夙昔舊辟彼執御人先道謹為石
精忠百壬避正色九關守我昔夢見之再
拜酌卮酒空谷秋思深圖之奉千壽

維昔師尚父垂老鬚眉雪突兀江海姿韜
精忘歲月坐石投其竿秘籥時一發載車
與之歸在德不在軌念昔經濟人事定始

功闕寒江眇風濤乘桴可如筏

上都客舍士弘為作風竹

門巷泥深笑獨清此君蕭灑未忘情無端
昨夜風花急却送秋聲作雨聲

金主畫孟浩然騎驢圖

生前明主已遭嗔身後君王為寫真家國
總緣詩句廢灞陵猶勝蔡州塵

木葉山前雪似銀軟裘難作自由身想應
晚歲朝陵後故寫騎驢處士真

北闕明言不上書塞驢何自入西都開元

天子元無分留與他生作畫圖

李陵臺

矢盡券空計未踈囊封朝奏侶憐渠漢家
天子春秋責從此降臣直筆書

雪衮寒沙風衮灰眼穿猶上望鄉臺隴西
可是無迴鴈不寄平安一字來

上都楊節婦

吹徹玉參差孤鸞天外飛匣藏身後劒篋
寶嫁時衣壽樂厖眉聳心清鶴骨肥諸郎
新玉立孝謹報春暉

開平第二集 已未

登候臺

蜿蜒西龍岡綠草搖晴波旁有雙玉井石
角增差我明良佐神運目力窮坡陁層垣
睥睨雄寶構通義娥昂昂鐵竿聳飛鳥光
盪摩土屋粘蜜房文氈圍錦窠緬思皇猷
遠默止松林戈匪以清暑游跋履勞鳴珂
陰森晚色晦寒沙聚群駝悲笳月初上戴
斗瞻天河

次韻伯宗同行至上都

游塵捲飛蓬積水翻驚波羣山擁雙闌勇
勢凌岷峨藉草各小憩側身復登陀纖峰
脩眉聳佇立愁湘娥仰視北斗光燁燁疑
肩摩田父指我言昔日搜鵑窠吾皇罷畢
弋射生久投戈二客何舒遲直可鳴朝珂
銀鬕傳綠蟻翠釜登紫駝出處愧我異愛
君筆懸河

再次韻荅李彥方應奉

良會難具陳歲月流頽波念昔邂逅初黑
髮雲冠我羣公擅碑板雄文記頭陀于時